

春秋穀梁傳

蘇子學
船
PDG

春秋穀梁傳文公第六

○襄王二十六年即位名與

范甯集解

元年春王正月公即位繼正即位正也

繼正謂繼正卒也隱去即位

位以見讓相書即位示安忍莊閔僖不言即位皆繼弒○去起呂反見賢編反弒申志反

二月癸亥日有

食之○天王使叔服來會葬

諸侯喪天子使大夫會葬禮也傳例曰天子大夫稱字蓋

未受采邑故不稱氏字者貴無故可獨達也○貴稱尺證反

葬曰會

言會明非一人之辭

其志重天

子之禮也○夏四月丁巳葬我君僖公薨稱公舉

上也葬我君接上下也僖公葬而後舉謚謚所以

成德也於卒事乎加之矣○天王使毛伯來錫公

命

毛采邑伯字也天子上大夫也錫星歷反采地音某地本又作邑

禮有受命無來錫命

錫命非正也○晉侯伐衛○叔孫得臣如京師○衛人

伐晉。秋。公孫敖會晉侯于戚。禮卿不得會公侯春秋尊魯內卿大夫可以會外諸

侯戚衛地。戚倉寂反。冬。十月。丁未。楚世子商臣弑其君髡。

鄭嗣曰商臣繆王也髡文王之子成王也不言其父而言其君者君之於世子有父之親有君之尊言世子所以明其親也言其君所以明其

尊也商臣於尊親盡矣。弑其申志反傳同髡苦門反。日髡之卒。所以謹商臣之弑。

也。夷狄不言正不正。徐乾曰中國君卒正者例日篡立不正者不日夷狄君卒皆略而不日所以殊

夷夏也今書曰謹識商臣之大逆爾不以明髡正。與不正。篡初患反夏戶雅反識如字又申志反。公孫敖如齊。

二年春。王二月。甲子。晉侯及秦師戰于彭衙。彭衙秦地

音衙。秦師敗績。丁丑。作僖公主。作爲也。爲僖公

主也。爲僖公廟作主也主蓋神之所馮依其狀正方穿中央達四方天子長尺二寸諸侯長一尺。爲僖公廟于僞反馮皮冰反長

尺直亮反又。立主喪主於虞。禮平旦而葬日中反而祭謂之曰虞其主用桑吉主

於練。期而小祥其主用栗。作僖公主。譏其後也。僖公薨至此已十五月作主。

壞廟有時日於練焉壞廟壞廟之道易檐可也改

塗可也禮親過高祖則毀其廟以次而遷將納新神故示有所加○壞音怪下同檐以占反○三月乙巳

及晉處父盟晉大夫不言公處父仇也為公諱也諱公

與大夫盟去處父氏公親如晉使若與其君盟如經言邾儀父矣不書地者公在晉也莊二十二年秋七月丙申及齊高偃盟于防不去高偃氏者公不親如齊不與其君盟於耻差降○仇苦浪反為公于偽反去處父起呂反下同偃音玄差初賣反又初佳反何以知

其與公盟以其日也何以不言公之如晉所取也

出不書反不致也○夏六月公孫敖會宋公陳侯

鄭伯晉士穀盟于垂斂垂斂鄭地○穀戶木反本又作穀九年同斂如字左氏作垂隴內

大夫可以會外諸侯○自十有二月不雨至于秋

七月建午之月猶未為災歷時而言不雨文不憂雨也僖公憂民歷一

時輒書不雨今文公歷四時乃書是不勤雨也不憂雨者無志乎民也無恤民志○

○

八月丁卯。大事于大廟。躋僖公。

大事。禘也。時三年之喪未終。而吉祭於大廟。則

其譏自明。大廟音泰。注及傳大祖同。躋。子兮反。升也。袷。戶夾反。下及注皆同。

大事者何。大是事也。

著袷嘗。

袷。合也。嘗。秋祭。

袷祭者。毀廟之主。陳于大祖。未毀

廟之主。皆升合祭于大祖。

袷祭者。皆合祭。諸廟已毀。未毀者之主。於大祖廟中。以昭穆為次序。

父為昭。子為繆。昭南。繆北。鄉。孫從王父坐也。祭畢。則復還其廟。昭繆音韶。穆下及傳同。鄉音向。下同。

躋升也。先親

而後祖也。逆祀也。

舊說僖公。閔公之上耳。僖公雖長。已為臣矣。閔公雖小。已為君矣。臣不可以先君。猶子不可以先父。故以昭穆父祖為喻。審曰。即之於傳。則無以知其然。若引左氏以釋此傳。則義雖有似。而於文不

辨。高宗。躬之賢主。猶祭豐于禰。以致堆。雖之變。然後率脩常禮。文公。值

倒。祖考。固不足多怪矣。親謂。僖祖。謂莊。長丁。丈反。先。悉薦反。下同。禰

乃禮反。雖。古豆反。雉。鳴也。值。倒丁田反。下丁老反。

逆祀。則是無昭穆也。無昭穆。則

是無祖也。無祖。則無天也。故曰。文無天。無天者。是

無天而行也。

祖人之始也。入之所仰天也。

君子不以親親害尊尊。此

春秋之義也

尊卑有序不可亂也

○冬。晉人。宋人。陳人。鄭人。伐

秦。公子遂如齊納幣

喪制未畢而納幣書非禮

三年春。王正月。叔孫得臣會晉人。宋人。陳人。衛人。

鄭人。伐沈。沈潰。

沈國也潰之爲言上下不相得。沈音審潰戶內反。

○夏五月。王子

虎卒。叔服也。此不卒者也。

外大夫不書卒

何以卒之。以其來

會葬我卒之也。

會葬在元年

或曰。以其嘗執重以守也。

僖二十四年天王出居于鄭叔服執重任以守國。守手又反。

○秦人伐晉。○秋。楚人圍

江。○雨。螽于宋。外災不志。此何以志也。曰。災甚也。

其甚奈何。茅茨盡矣。

茅茨猶盡則嘉穀可知。茅茨盡則嘉穀可知。茅茨盡則嘉穀可知。茅茨盡則嘉穀可知。

著於上。見於下。謂之雨。

○見賢徧反。

○冬。公如晉。○十有

二月。己巳。公及晉侯盟。○晉陽處父帥師伐楚。救

江。此伐楚。其言救江何也。江遠楚近。伐楚所以救

江也。

時楚人圍江。晉師伐楚。楚國有難。則江圍自解。難乃旦反。解音蟹。又古買反。

四年春。公至自晉。夏。逆婦姜于齊。其曰婦姜。爲

其禮成乎齊也。

婦禮成于齊。故在齊。便稱婦。爲于僞反。

其逆者誰也。親逆

而稱婦。或者公與。何其速婦之也。

鄭嗣曰。皆問者之辭。問者以使大夫逆例。

稱女而今稱婦。爲是公親逆。與怪稱婦速故。反覆推之。公與音餘。注同。反覆芳服反。

曰。公也。其不言公

何也。

據莊二十四年。公如齊。逆女。言公。

非成禮於齊也。

非青。

曰。婦有姑之

辭也。其不言氏何也。貶之也。何爲貶之也。夫人與

有貶也。

邵曰。夫人能以禮自防。則夫婦之禮不成於齊。故譏公而夫人與焉。與音豫。注同。貶彼檢反。

狄侵

齊。秋。楚人滅江。晉侯伐秦。衛侯使甯俞來

聘。

俞羊。朱反。

冬。十有一月。壬寅。夫人風氏薨。

僖公母。風姓。

五年春王正月王使榮叔歸含且賵

含口實也禮記曰飯用米貝弗忍虛

也諸侯合用玉榮叔天子之上大夫也榮采地叔字○含戶暗反釋舊作含賵芳鳳反飯扶晚反

含一事也賵一

事也兼歸之非正也

禮含賵祿各異人○從音遂

其曰且志兼也其

不言來不周事之用也

何休曰四年夫人風氏薨九年秦人來歸僖公成風之柩最晚矣何以言

來鄭君釋之曰秦自敗于穀之後與晉為仇兵無休時乃加賵以早免繆公之喪而來君子原情不責晚用或作辭○穀戶交反賵以早

乘馬曰賵乘馬所以助葬成風未葬故書早○乘繩證反下同

而含以晚

已殯故言晚國有遠近皆令及事理不通也禮

雜記曰含者執璧將命曰寡君使某含相者入告出曰孤某須矣含者入升堂致命子拜警額含者坐委於殯東南有葦席既葬蒲席降出反

位明君之於臣有含賵之義所以助喪盡因含不必用示有其禮○令力呈反相息亮反稽顙音啓下息黨反葦手鬼反○三月

辛亥葬我小君成風王使毛伯來會葬會葬之禮

於鄙上

從竟至墓主為送葬來○竟音境為于偽反

夏公孫敖如晉秦

人入郛

音若○郛音若

秋楚人滅六

冬十月甲申許男業

卒

六年春葬許僖公。夏季孫行父如陳。行父季友孫。秋。

季孫行父如晉。八月乙亥晉侯驩卒。驩好。官反。冬。

十月公子遂如晉。葬晉襄公。晉殺其大夫陽

處父。稱國以殺罪累上也。襄公已葬。其以累上之

辭言之何也。君漏言也。上泄則下闇。下闇則上聾。

且闇且聾。無以相通。臣闇不言君無所聞上下否塞。累劣偽反下同。或如字泄息列反。又以制反聾音

反。公夜姑殺者也。殺處父。左氏作射姑。夜姑之殺奈何。曰。晉將與

狄戰。使狐夜姑爲將軍。趙盾佐之。陽處父曰。不可。

古者君之使臣也。使仁者佐賢者。不使賢者佐仁

者。今趙盾賢。夜姑仁。其不可乎。邵曰。賢者多才也。戰主于攻伐。仁者有惻隱之恩。不

如多才者有權略。○盾徒本襄公曰。諾。謂夜姑曰。吾始使

盾佐女。今女佐盾矣。稱處父語以語之故傳曰漏言也。女音汝語魚慮反。夜姑曰。

敬諾。襄公死。處父主竟上之事。待諸侯會葬在鄙上。○竟音境。夜姑使

人殺之。君漏言也。親殺者夜姑而歸罪於君。明由君言而殺之。罪在君也。故稱君以殺。故士造

辟而言。詭辭而出。辟君也。詭辭而出。不以實告人。○造七報反。辟必亦反。君也。注同。詭九委反。曰。

用我則可。不用我則無亂其德。此士對君言之辭。○晉狐夜姑

出奔狄。○閏月不告月。猶朝于廟。禮天子以十二月朔政班告于諸侯。諸侯

受於禰廟。孝子尊事先君。不敢自尊也。言朝者緣生以事死。親存朝朝莫夕不敢泄鬼神故事。畢感月始而朝之。○猶朝直遙反。注及下同。朝

朝上如字。下直遙反。莫音慕。泄息列反。不告月者何也。不告朔也。不告朔

則何為不言朔也。閏月者。附月之餘日也。積分而

成於月者也。一歲三百六十日。餘六日。又有小月六積五歲得六十日。而再閏。積衆月之餘分以成此月。天

子不以告朔而喪事不數也

閏是叢殘之數非月之正故吉凶大事皆不用也。不數

所古反叢徂洪反

猶之為言可以已也

郊然後三望告朔然後朝廟俱言猶義相類也既發其大

而行其細故譏之

七年春公伐邾三月甲戌取須句取邑不日此其

日何也

據僖二十六年公伐齊取穀不日。須句其俱反

不正其再取故謹而

日之也

僖二十二年公已伐邾取須句過而不改於此為甚故錄日以志之

遂城郛遂繼事

也

因伐邾之師郛音吾

夏四月宋公壬臣卒

壬本或作王臣

宋人

殺其大夫稱人以殺誅有罪也。戊子晉人及秦

人戰于令狐

令狐秦地。令狐秦地。令狐秦地。

晉先蔑奔秦不言出在外

也輟戰而奔秦以是為逃軍也

輟止也為將而獨奔故曰逃軍。輟丁劣反將

子匠反

秋侵我西鄙。秋八月公會諸侯晉大夫盟

于扈

扈鄭地。扈音戶。

其曰諸侯略之也

晉侯新立，公始往會晉侯，不盟。大夫受盟，既以受娶。

又取二邑為諸侯所賤，不得序于會，諱使若扈之。盟都不可知，故略之。喪取七住反，本亦作娶。

冬，徐伐莒。

公孫敖如莒莅盟，莅位也。其曰位何也？前定也。其不曰前定之盟，不日也。

八年春，王正月。夏四月。秋八月戊申，天王崩。

襄王。冬十月壬午，公子遂會晉趙盾盟于衡雍。

鄭地。雍於用反。

乙酉，公子遂會雒戎盟于暴。

鄭地。雒戎音洛本，或作

伊雒之戎誤。

公孫敖如京師。

弔周喪。

不至而復。丙戌，奔莒。

不言所至，未如也。

若其已行，當如公子遂至黃，乃復。今不言所至而直言復，知其實未如也。

未如。

則未復也。未如而曰如，不廢君命也。

雍曰：受命而出，義無私留書如京師。

以顯命行于下，不書所至以表不去之罪。

未復而曰復，不專君命也。

復者事畢之辭，未如

文十四
故知其未復加罪事之文其如非如也其復非復也唯奔

莒之為信故謹而日之也。螽。宋人殺其大夫

司馬司馬官也其以官稱無君之辭也。何休曰近上七年宋公壬臣卒

宋人殺其大夫不言官今此在三年中言官義相違鄭君釋之曰七年殺其大夫此實無君也今殺其司馬無人君之德耳司馬司城君之爪

牙守國之臣乃殺其司馬奔其司城無道之甚故稱官以見輕慢也傳例稱人以殺殺有罪也此上下俱失之。見賢遍反。宋

司城來奔司城官也其以官稱無君之辭也來奔

者不言出舉其接我也

九年春毛伯來求金求車猶可求金甚矣。凱曰求俱不可在喪

尤甚不稱使者天子當喪未君也。夫人姜氏如齊。歸。二月叔孫得

臣如京師京大也師衆也言周必以衆與大言之

也。辛丑葬襄王天子志崩不志葬舉天下而葬

一人其道不疑也。志葬危不得葬也。

不得備禮葬

日之。

甚矣其不葬之辭也。

王室微弱諸侯無復往會葬。復扶又反。

○晉人殺其

大夫先都。

○三月夫人姜氏至自齊。卑以尊致病。

文公也。

夫人行例不致乃以君禮致。刺公寵之過。刺七賜反。

○晉人殺其大夫士

穀及箕。鄭父稱人以殺誅有罪也。鄭父累也。

箕居其反。

○楚人伐鄭。公子遂會晉人、宋人、衛人、許人、救

鄭。○夏狄侵齊。○秋八月曹伯襄卒。○九月癸酉

地震。震動也。地不震者也。震故謹而日之也。

穀梁說曰大臣

盛將動有所變。

○冬楚子使款來聘。楚無大夫。

無命卿。款子遙反。又子小反。

或作款左氏作叔。

其曰款何也。以其來我襲之也。○秦人來

歸僖公成風之祔。秦人弗夫人也。

言秦人弗以成風為夫人故不言夫人。

即外之弗夫人而見正焉

見不以妾為妻之正。而見賢徧反。

葬曹共

公

音恭

十年春王三月辛卯臧孫辰卒。夏秦伐晉。楚

殺其大夫宜申

僖四年傳曰楚無大夫而今云殺其大夫者楚本祝融之後季連之曾也而國近南蠻遂漸其

俗故棄而夷之今知內附中國亦轉強大故進之。曾直又反國近附近之近。

自正月不雨至于

秋七月。歷時而言不雨。文不閔雨也。不閔雨者無

志乎民也。

及蘇子盟于女栗

女栗某地蘇子周卿士。女音汝。

冬。

狄侵宋。楚子蔡侯次于厥貉

厥貉某地也。貉三白反。

十有一年春。楚子伐麇

麇九倫反。

夏叔彭生會晉卻

缺于承匡

承匡宋地。缺苦悅反。

秋曹伯來朝

朝直遙反。

公子

遂如宋。狄侵齊。冬十月甲午叔孫得臣敗狄

于鹹不言帥師而言敗何也

據僖元年公子友帥師敗莒師于麗獲莒挐稱帥師。敗

必邁反鹹音咸麗力知反挐女居反

直敗一人之辭也。一人而曰敗何也

以衆焉言之也

言其力足敵衆

傳曰長狄也。弟兄三人佚

宕中國

佚猶更也。佚宕大結反更也害本又作宕更音庚

瓦石不能害

肌膚堅強瓦石打擗不能

虧損。強其文反。擗直隼反。

叔孫得臣最善射者也。射其目。身橫

九畝

廣一步長百步爲一畝九畝五丈四尺。射其食亦反。下同。廣古曠反。長直亮反。

斷其首而載之。

眉見於軾

兵車之軾高三尺二寸。斷丁管反。見賢徧反。軾音式。

然則何爲不言獲

也

據莒挐言獲

曰古者不重創不禽二毛。故不言獲爲

內諱也

不重創恤病也不禽二毛敬老也。仁者造次必於是顛沛必於是故爲內諱也。既射其目又斷其首爲重創。鬻髮曰爲二

毛。重直用反。注同。創初羊反。爲內于僞反。造七報反。沛音員。

其之齊者。王子成父殺之。

則未知其之晉者也

十有二年春。王正月。邾伯來奔。音成。邾。杞伯來朝。

僖二十七年稱子今稱伯。蓋時王所進。朝直遙反。二月。庚子。子叔姬卒。其曰子

叔姬。貴也。公之母姊妹也。同母姊妹。其一傳曰。許嫁以

卒之也。男子二十而冠。冠而列丈夫。三十而娶。女

子十五而許嫁。二十而嫁。禮二十而冠。冠而在丈夫之列。燕

侯十五而冠。十五而娶。娶必先冠。以夫婦之道。王教之本。不可以童子諸

之道治之。禮十五為成童。以次成人。欲人君之早有繼體。故因為節

書。稱成王十五而冠。著在金縢。周禮。媒氏曰。令男三十而娶。女二十而

嫁。內則云。女子十五而笄。說曰。許嫁也是。故男自二十以及三十。女自

十五以及二十。皆得以嫁。娶先是則速。後是則晚。凡人嫁娶。或以賢淑

或以方類。豈但年數而已。若必差十年。乃為夫婦。是發賢淑方類。苟比

年數而已。禮何為然哉。則三十而娶。二十而嫁。說嫁娶之限。蓋不得後

過此爾。故舜年三十無室。書稱曰。鰥。周禮云。女子年二十未嫁者。仲

春之月。奔者不禁。奔者不待禮聘。因媒請嫁而已矣。寧謂禮為夫之姊

妹。服長殤。年十九至十六。如此男不必三十而娶。女不必二十而嫁。明

矣。此又士大夫之禮。冠。江喚反。娶。七住反。譙。在遙反。笄。古兮反。先是

蘇徧反。後是戶豆反。比毗至反。或如字。得復扶又反。鰥。古頑反。禮為于